



兵制

陣法

唐講武五陣

禮志講武於都外前期十一日所司奏請講武
承詔遂命將帥簡軍士有司先芟草除地為場方
二百步四出為和門又於其內墾地為步騎六軍
域處所左右廂各為三軍皆上軍在北中軍次之
軍在東南西相向中間相去三百步五十步立表

行凡五五行表間前後各相去五十步為三軍進止之節又別揮地於北廂南向為車駕停觀士氣前一日講武將帥及士卒集依方色建旗為和門於都壇之中及四角皆建以五綵牙旗旗鼓甲仗威儀悉備於壇所大將以下各有統帥如常式步軍大將被甲胄乘馬教騎大將亦乘馬熟習士卒教為戰陣之法凡教為陣少者在前長者為後其還則長者在前少者在後長持弓矢短者持戈矛力者持旌旗勇者持鉞鼓力者為前行持稍者次之弓箭為後行將帥先教士卒習見旌旗皆摩之戰旗卧知刑罰之害賞賜之

勅止之節聲鼓節進鳴金即止知刑罰之害賞賜之利持五兵之便戰鬪之備習串跪起及行列險隘之路講武日未明十刻軍士皆嚴備五刻將士皆貫甲步軍各為直陣以相俟講武日鼓三嚴諸衛各督其隊與鉞戟以次入陳於庭侍衛之官奉迎皇帝至講武所云云三鼓有司偃旗步士皆跪云云大軍誓以警衆諸果毅各以誓詞通告遂聲鼓有司舉旌上衆皆起騎從皆行及表擊鉦騎從乃止又擊三鼓有司偃旗衆皆跪又擊舉旗衆皆起騎驟後趨及表乃止整列位定東軍一鼓舉青旗為直陣西軍亦鼓而舉

白旗為方陣以應次南軍亦鼓舉赤旗為銳陣北軍亦鼓而舉黑旗為曲陣以應以次東軍鼓而舉黃旗為圓陣西軍亦鼓而舉青旗為直陣以應次西軍鼓而舉白旗為方陣東軍亦鼓而舉赤旗為銳陣以應次東軍鼓而舉黑旗為曲陣西軍亦鼓而舉黃旗為圓陣以應凡陣迭為主客先舉者為客後者為主從五行相勝之法為陣以應之每變陣二軍各選刀楯之士五十人挑戰於兩軍之前第一第二批戰迭為勇怯之狀第三批戰為敵均之勢第四第五挑戰為勝敗之形每將變陣先鼓為直陣後變從餘之

漢五陣畢兩軍俱兩軍俱為直陣又變三鼓有司便旗衆皆跪又聲鼓舉旗衆皆起騎從走左右軍俱至中表相擬擊而還騎軍東西迭為主客為主相勝之陣皆如步軍之法每陣各以騎挑戰於兩陣之間如步軍法五陣畢俱大擊鼓而前盤馬相擬擊而罷退振旅而還

顯慶五年三月八日講武并州城北左為曲直圓銳之陣右為方銳直圓之陣三批而五變步退而騎進五合而各復位

唐七軍

通典衛公李靖兵法曰大將山征且約授兵二萬人即分為七軍

唐五法

唐六花陣

李靖問對太宗曰卿所制六花陣法出何術靖對曰臣所本諸葛亮八陣法也大陣包小陣大營包小營隅落鈎連曲折相對古制如此臣為圖田之故外畫之方內環之圓是成六花俗所號耳太宗曰內圓外方何謂也靖曰方生於正圓生於奇方所以規其安

圓所以綴其旋是以步數定於地行綴定於天步定所以綴其旋是以步處定於地行綴定於天步定綴齊則變化不亂八陣為六武侯之舊法焉太宗曰卿六花陳畫地幾何曰大閱地方千二百步者其義森陣各占地四百步分為東西兩廂雲地一千二百步為教戰之所臣嘗教士三萬以每陣五千人以其一為營法五為方圓曲直銳之刑以每陳五變凡二十五變而止

唐四數陣

李靖問對太宗曰四數之陣以又以商羽祉角象之何

道靖曰：龍道也。倭以四獸之陣，又加商金、羽水、社火、角木之醜，此皆兵家自古詭道也。曲禮行前朱鳥而後玄武，左青龍而右白虎，注以此四獸為軍陣象天也。躡此明軍行象天文而作陳法也。前南後北，左東右西也。朱鳥玄武青龍白虎四方宿名也。軍前宜捷，故用鳥軍後，頌殿捍，故用玄武。玄武龜也，左為陽，陽能發生，象其龍變生也。右為陰，陰沈能殺，虎沉殺也。何胤云：如鳥之翔如蛇之蟄，龍騰虎奮無能敵此四物也。鄭注也。四獸為軍陣，知是軍陣之法也。但不結向以為之耳。今之軍行畫四獸於旌旗以標前

後左右之軍陣

唐五行陣 五色旗

李靖問對太宗曰：五行陣如何？靖曰：本因五方色立此名。方圓曲直銳實，因地形使然。凡兵不素習此五者，安可臨敵乎？兵詭道也，故強名五行。鳥文之以行數，相生相克之義。兵形象水，因地制流。

李靖傳其

舅韓擒虎每與論兵，輒歎曰：可與語孫吳非斯人而誰？其後平蕭銳於江陵，列城爭下。禽輔公祐於丹陽，而江南平。帝曰：古韓白衛霍，何以加？後為定襄總管，以騎三千躡血虜庭，禽頡利，斥地自陰山北至大漠。

後為西海總管平吐谷渾世言靖精風角鳥占雲祲
孤虛之術是不然特以臨機果料敵明根于忠智而

上崇文同五陣圖一卷通典李靖兵法曰諸軍

將五旗各准方赤南方火白西方金皂北方水碧東方木黃中央土土既不動用為四旗之主而大將行動持此黃旗於前立如東西南北有賊各隨方色舉旗當方面兵急須裝束旗向前亞方面兵急須進旗正豎即往卧即迴審大將軍所舉之旗諸每隊給一旗行則引隊住則立於隊前其大總管及副總管則立十旗以上子總管則立四旗以上行則引前往則

立於帳側統頭亦別給異色旗擬臨陣之時則辨其進退駐隊奇旗別樣別造令引輜重令本營隊識認如兵多營眾各別畫禽獸標記不然旗身脚但取五方色迴互為之務使指麾分明諸教戰陣每五十人以為隊云云一云凡教旗於平原曠野登高遠視處大將居其上左右各置鼓角十二左右各樹五色旗六燾居前列旗次之左右牙官駐隊如偃月形為後騎下臨平野使士卒目見旌旗耳聞鼓角心存號令云云諸遂良太宗册天兵電掃外陣風驅

唐武德五兵八陣圖法要

志一卷

唐飛騎戰陣圖

呂才傳太宗詔才造方城圖及教飛騎戰陣圖屢稱
旨

唐修八陣圖 經

會要開元十七年十一日。上令左相張說修八陣圖
十卷及經二卷成

唐黃公太公二陣圖

李靖問對太宗曰深乎節制之兵得其法則昌失其
法則亡。知為纂述歷代善於節制者具圖來上朕當

擇其微垂於後。世靖曰臣前進黃公太公二陣圖并
司馬法諸葛亮奇名之法此已精絕歷代各將用其
一二成功者亦衆矣。但吏官鮮克知兵不能紀其實
迹臣敢不纂述以聞。太宗曰兵法孰為最深者。靖曰
臣嘗為分三等使學者當漸至焉。一曰道二曰天地
三曰將法

文苑英華王叡一陣圖論 文心雕龍六韜二論後

人追題六韜霸論

典文論文帥武論 杜牧作罪言原十六衛作戰論

中論

言

上海卷一百四十三

七

裴緒八陣見後新令

志斐子新令二卷

乾德陣圖

乾德元年閏十二月龍棲軍校王明詣闕獻陣圖

太平興國陣圖

太平興國四年契丹入寇鎮州都鈴轄劉延翰帥衆禦之先定於滁何崔彥進濟師出黑盧隈北緣長城口銜枚躡虜後崔翰兵繼至先是上以陣圖示諸將俾分為八陣至是虜騎至至趙延進乘高望之東西

亘野不見其尾翰等方按圖布陣相去百步延進謂翰等曰今虜騎若此而我帥星布彼若乘騎我將何以濟不若合而擊之李繼隆亦曰兵貴通變安可預料於是分二陣前後相副六破之

是年曹翰遣五駿騎為斥候授以五色旗人執其一前有所林木則舉青旗烟火舉赤旗虜寇舉白旗破澤舉黑旗丘陵舉黃旗先是虜必舉狼煙翰分遣人舉煙境上虜疑有伏引去

元年十一月闕武殿使騎兵步兵各數百東西列陣上曰此殿庭闕數百人爾猶兵威可觀况堂堂之陣

數萬成列乎。

雍熙平戎萬全圖

雍熙四年五月庚寅上製平戎萬全圖以示宰相樞密院及掌兵將校凡九圍共成一陣內三為方陣一為前鋒一為後殿二為左翼二為右翼凡中心連排方陣三每陣三各大將一人主之其陣各方五里又相去一里東西占十七里每陣周回二十里計七千二百步每五步為一地分用戰車一乘兵士二十二人一陣計一千四百四十地分戰車千四百四十乘地分兵士三萬一千六百八十八人無地分兵士五

千人以三十人為一隊計百六十六隊餘二十人其兵士隊於二陣前列行東西陣各用騎兵萬人解鑿分為兩行配五十騎為一隊計百二十五陳三路標馬計三十隊每路各陳圖子排列計百六十五騎前後陣各用騎五千解鑿分為兩行配五千人騎為一隊計六十二隊後行配三十人騎為一隊計六十三隊餘十五人路探馬計五十隊每路各陳圖子排列計二百七十五騎三陣圖凡用兵士十四萬九百三十人時虜未殄太宗嘗驛召邊將潘美田重進崔翰王承衍等入對并召在京掌兵將帥訪以備邊之策

帝又親為規制為此圖以示之。實錄上製平戎萬全圖出示近臣因召邊將田重進潘美崔翰等升殿親授其造法攻擊之方畧重進等頓首謝。呂祖謙贊嗚呼休哉平常萬全太宗所製在漢高祖君魯臣智共不汭中羣雄外驚光武龍飛君強臣弱寇鄧景賈成授方畧我之藝祖光武是若於皇太宗亦我藝祖沈幾英斷超今復古法駕徂征并泯納土八埏尤城方素圖載銷戈鑄鐔無有內外太宗曰吁武不可忘天下雖安忘戰必危吾謀既足疇協予咨臣美臣躬召必來日幾天衛群帥如肅僉奏具陳什什伍

一、熟六、孰滅孰取層斷臨之要領悉畫迺畫方
二、詔郡國中營參運左右駢翼前鋒啓途後殿從
三、內環臨衝外騎畢馳戈矛森立劔盾紛施部分行
四、聖明舉燎首尾啟脅交杖互統離合啓閉不可言
五、二府元臣千廬列校拜首稽顙惟帝之教神謨聖
六、聖出入天乃漢有八陣平沙是列唐有六花取法於
七、孰如此圖慮天之法以此衆戰孰能禦之開邊拓
八、境惟帝使之犂庭掃穴狗鼠去之帝曰無庸安邊是
九、務於我子孫以禦外侮皇帝在御思念祖宗觀圖効
十、法張武平戎王旅萬全朝庭其告于清廟以樂太

宗鳴呼休哉

至道崇政殿教陣圖

至道二年九月夏州延州行營言兩路合勢破賊於
白池賊首李繼遷遁去上初以方畧授諸將將先
圖兵於崇政殿列陣為攻擊之狀刺射之節且令多
設強弩及過賊布陣萬弩齊發賊無所施其技矣才
裝賊皆失走凡十六戰皆捷上因顧傅潛常曰大
哉行軍布陣當務持重布陣乃兵家大法非常情所
克自為陣圖與王超令勿妄示人超曰汝可取
觀之先是運糧靈州上亦令丁夫悉持弓矢為方

陣而行寇至則成列待之後諸將亦卒以違節制致
敗

咸平御軍陣圖

咸平四年十月詔高陽關兵增騎二萬為前鋒
又命將五人各領騎三千陣于先鋒之前命桑贊領
萬人為奇兵荆嗣令萬人以斷西山之路仍列繪為
圖遣示王繼等曰設有未便當極言之 閏十二月
甲午上問王超計策超上二圖其一置資糧在軍中
布兵周防賊無以鈔畧其一遇賊即變而為方陣陣
形之外分列游兵持勁弩賊至則易聚而可并力圖

頗采李靖輜重法上其獎之。

咸平三十二陣圖

咸平二年十二月車駕親征河北辛酉內出陣圖示殿前都指揮使王彥超等令識其部分三年六月戊寅內出陣圖三十二以示輔臣一本云咸平二年契丹入寇車駕幸河北內出陣圖示王彥超等一實錄咸平二年八月丙寅大閱東武村王超執五方旗以進退又以行列遐遠號令所不能及遂於兩陣間起候臺相望使人執旗如臺上招之初舉黃旗則前軍旅拜舉赤旗則騎進舉青旗則步進每旗動則前

漢而士謀之較振于百里皆三批而後退次舉白旗則諸軍復拜遂黑旗以振旅軍於右者畧左陣以還詳見講武。

咸平陣圖

景德陣圖

慶曆陣圖

咸平四年六月戊辰二十九日對輔臣於崇政殿觀陣圖上曰北戎寇邊常遣精悍為前鋒若并禦不及即有侵軼之患今盛選銳兵命驍將統領別為一隊遇其奔衝彼既挫銳而退餘其望風不敢進矣又始遣騎兵出陣後斷糧道又別選良將領數萬師殿其後則無慮矣。

六年六月自望都失利上曰訪禦戎之策因命兩府
會議李沆等或請合鎮定州寇來堅守勿逐俟信宿
寇疲則挑戰又量分兵屯威虜及保州北平三處使
其腹背受敵又量分兵屯寧邊軍及邢州扼東西路
長編咸平六月六日御便殿內出陣圖示輔臣曰
今虜勢未憚猶須過防屯兵雖多必擇精銳先據要
害以制之凡鎮定高陽正路兵悉會定州夾唐河為
大陣以騎卒居中步卒環之短兵接戰毋離保伍
馮拯建議今防秋宜於唐河增屯兵至六萬控定武
之北為大陣邢州置都部署為中陣天雄軍置鈐轄

為後陣上多采用其議本傳云上從之按所

景德元年八月乙卯帝御崇政殿後廡出陣圖示輔
臣十一月駕幸澶淵親征乙亥內出陣圖二一行止
付殿前都指揮使高瓊等

慶曆五年帝御通英閣進讀三朝經武要畧是日出
陣圖數本并陝西僧所獻兵器鉄揮撥以示講讀官
六年六月壬申詔河北教閱諸軍並用祖宗舊定陣
法其後來所易陣圖亦令主將間習之時判相

咸平三年八月王均自升仙之敗因壘依濠為土山
分設鹿角造梯衝洞車攻具石普專主之奏翰設雁

五海卷百四十二
翅勢敵棚覆洞車以進逼羅城賊亦對敵棚號喜相逢樓九月戊寅官焚其敵樓慶曆八年四月明鎮言具州築矩圍賊亦於城上設戰棚與官軍相當名曰喜相逢

咸平鞭箭陣圖

咸平六年十月己卯殿前都指揮使高瓊上鞭箭陣圖咸平崇政殿教三陣

咸平六年十一月己亥御崇政殿閱捧日軍教三陣一曰連珠必勝二曰應機摧敵三曰應捷五虎節以金鼓戎容甚整事訖復命強弓勁弩及鬪槊以角勝

技其矯勇者第選之仍賜緡錢卮酒

祥符北面榆柳圖

祥符五年十月

景德初真宗訪馮拯以邊事拯謂備邊之要當須扼襟喉援險隘以制取之衝若於保州威虜間依徐河以布陣裹糧其勢足以決勝今防秋請於定州北唐河增屯軍馬至六萬為大陣邢州置都總管為中陣天雄軍鈐轄為後陣而罷莫州狼山兩路屯兵從之天禧飛山雄武營習戰陣

天禧二年四月戊子辛彰化橋北飛山雄武營教場駐

澤幄殿命諸軍衛士發砲石習戰陣藝精老四十四人
遷擢宴從臣仁宗十有二年幸安肅教場觀飛山
雄武發砲又命上四軍虎翼為戰陣之法

天聖崇政殿閱戰陣

天聖五年九月庚戌御崇政殿召輔臣閱龍衛神勇
等軍習戰陣遂命射第進補七年十月壬寅御崇政
殿閱虎翼武騎習軍陣遷補有差

景祐崇政殿觀陣圖

咸平二年八月先是詔有司擇地於含輝門外為廣
場上至行營諸軍陣於高臺府云云又於兩陣中起候

臺相望六年九月募近京城強壯補禁衛詔高瓊
閱習陣勢召近臣觀之上親行伍整肅喜曰昨日村
氓皆為精銳矣

康定便殿閱陣

康定七年七月十五日庚午御延和殿閱諸軍習陣
法上封事者言諸軍止教坐作進退雖整肅可觀然
臨敵難用請自令遣官閱陣畢令解鑿以弓弩射營
置弓三等自一石至八斗弩四等自一石八斗至二
石五斗以次閱習詔行之陝東經畧安撫副使韓琦
言取諸班中選武藝優者為寨主監拘於一城

未能各適其用欲下陝西諸部主司分所武中人鄜
延路十五員環慶涇原秦鳳路十員為逐路教押軍
陣以士卒所習精粗賞罰如此則老懦者不能自容
勇壯者各思奮身復免主將爭占精兵專為己衛也
鄜延鈐轄張亢上疏請下韓琦范仲淹分按逐路以
馬步軍八千上止萬人擇才位兼高者為總管其下
分為三將一為前鋒一為策前鋒一為後陣每將以
使臣將佐三二人分屯要害之地若賊小入則一將
出大入則六將出量賊數多少又使數路兵而應援
之此所謂常山蛇勢也

元年三月以高志寧為河北諸州軍安撫使元昊初
反志寧時知隰州上言請乘賊未發選驍將銳兵急
趨所謂疾雷不及掩耳章數十上不報至是思其言
召至闕問今宜為何策志寧曰今將不達權而兵不
識法故敗乃請禁兵五百以故陣法教之既成上臨
試之

皇祐弓箭手陣圖

皇祐三年正月涇原經略使夏安期上弓箭手陣圖
初安期選弓箭手三千人分隸東西路都巡檢下屬
歲豐稔召至州大閱技藝精強且言可當正兵五七

萬民圖上陣法乃降詔獎諭

皇祐崇政殿閱陣法

皇祐元年四月甲子御崇政殿閱知澧州供備庫副使宋守信所獻衝陣無敵流星弩拒馬竹皮牌火鐮石火鋼三及黑漆順水槍山字鉄甲野戰拒馬刀弩寨脚車衝陣斂輪無敵車大風翎弩箭八種

至和八陣圖

至和二年四月甲寅代州兵馬鈐轄蘇安靜上八陣圖降勅獎諭

至和御製攻守御圖

見兵法

嘉祐八陣圖

嘉祐四年六月四日翰林學士胡宿看詳駕部員外郎尹瞻所進裴子新令及八陣圖頗精降詔獎諭唐裴子新書目采拾諸家部伍習陣之法五行諸形勢凡三十二篇

熙寧崇政殿閱陣法

熙寧三年五月五日丁未詔以涇原路蔡挺衙校陣隊於崇政殿引見仍頒其法於諸路長編三年十一月涇清儀厚四州義勇萬五千人舊止戍守經星使

五海卷一百四十三
蔡挺始令遇上番依諸軍結陣隊分隸諸將與正兵相參戰守。

熙寧元年秋青子諮奏事延和殿上問青征南有邊警存否詔上平蠻記及歸仁鋪戰陣二圖

熙寧議隊法 結隊圖

熙寧七年六月上論結隊法因歎州兵之難以謂今之邊城曉知奇正之體者已自無人况奇正之變乎臣天地五行之數不過五數五陣之變出於自然非

五路安撫使各具可用陣隊法及訪采知陣隊法密陳所見以聞 六月上與輔臣論戰陣之法因曰兵陰事也主報商心而陽盜者勝如高者可以勝下長者可以勝短是之內出攻守圖二十五部賜河北又出敵橫橫道直也監頒陣條製 十月上以新法結隊法并實圖記及置陣形勢等遣近侍奉憲命鄜延帥趙鼎俾講求推及諸路於是高秦伏誼置陣之法以結隊為先今聖制雖與古同而用法尤為精審此蓋陛下天縱勇智不待學而後能也然而議者云四十五人而一長不若五人而一長之密且以五人而

一長即五十人而一長也推之於百子萬則為長矣而統制不一也至如周制五人為伍屬之比長五五為兩屬之間胥四兩為卒屬之族師五卒為旅屬之黨正五族為帥屬之州長五帥為軍屬之命將之猶今之軍制百人為都五都為營五營為軍十軍為兩四兩都指揮而下各有節級有員品亦昔之比長閭胥族師黨正之任也况八陣之法又失其傳至氣族然一新稽之前聞若合符節蓋法制一定易以致人臣有所見不敢不聞

九年五月詔諸保甲可依新降隊法結隊并印新

結隊圖付兵部每一都保給與一圖結隊之法三人為一小隊三小隊為一中隊五十隊為一大隊并引戰一人居前擁隊一人執刀居後兼二人居左右執旗一人居中凡五十人皆選士也有馬人與無馬人各為隊隊中兵械或純用一色或雜用弓弩刀斧槍楯皆於結隊時商定取旨

熙寧八軍法

熙寧八年二月戊寅上批見校試七軍營陣以分數不齊前後抵牾難為施用可令見校試官採其可取者草定八陣法以聞初詔樞密院唐李靖兵法世無

全書親見通典離祈譌舛又官號物名與今稱為不
同武人將佐多不能通其意可令樞密院兵房檢詳
官與檢正中書刑房王震等四人校正分類解釋令
今可用後又差樞密副都承旨張誠一入內押班李
憲與震等行視寬廣處闕殿前司差馬步軍二千八
百人教李靖營陣法以步軍副都指揮使楊遂為都
大舉震及郭逢原參議公事夏元象臧景等為將副
部隊將勾當公事凡三千九人誠一等初用李靖六
花陣法約援兵二萬人為率為七軍內虞候軍各二千
百人取戰兵千九百人為七十六隊戰兵內每

軍弩手三百馬軍五百跳盪四百奇兵四百輜重每
軍九百是為二千八百人上諭李憲等曰黃帝始一
八陣法敗蚩尤於涿鹿諸葛亮造八陣圖於魚復正
沙之上壘石為八行晉桓溫見之曰常山蛇勢也子
武皆莫能識之此即九軍陣法也後至韓擒虎深明
其法以授其甥李靖靖以時遭久亂將帥通曉其法
者頗多故造六花陣以變九軍之法使世人不能勝
之大抵八陣即九軍九軍者方陣也六花陣即七軍
七軍者圓陣也蓋陣以圓為體方陣者內圓而外方
圓陣則以外俱圓矣故以圓物驗之則方以八包一

圓以六包一此九軍六花陣之大體也六軍者左右
虞候軍各一軍為二虞候軍左右軍各二軍為四廂
軍與中軍共為七軍八陣者加前後二軍共為九軍
本朝祖宗以來置殿前馬步軍三帥即中軍前後軍
帥之別名而馬步軍都虞候是為二虞候軍天武捧
日龍神衛四廂是為四廂軍也中軍帥總九軍即殿
前都虞候專總中軍一軍之事務是其名實與古九
軍及六花陣相符而不少差也今論兵者俱以唐李
筌太白陰經中所載陣圖為法失之遠矣今可約
李靖註為九軍營陣之制然李筌之圖乃營法非陣

法也然探古之法酌今之宜曰營曰陣本出不一法
而已止則曰營行則曰陣奇正言之則營為正陣為
奇也故有是詔是年八月丁巳大閱八軍陣於城
南之荆家陂

熙寧二年十一月癸未管勾鄜延路機宜文字趙高
言乞詔多聞博識之士講求諸葛亮八陣法以授邊
將任知應變詔郭廷與高講求其法度本地地形定
為陣圖以聞熙寧收復熙河陣法三卷觀文學士

五經集

元豐登飛虎立成陣圖

五經集

五經集

五經集

元豐六年五月壬午東方戒上飛虎立成陣圖步人
制戎騎法乞面陳利害詔樞密院召問之

元豐三年趙鼎言今欲大閱漢蕃陣隊且以萬二千
五百人為法旌旗麾幟各隨方色戰國時大將之旗
以龜為飾蓋取前列先知之義今中亦宜以龜為號
八隊旗別繪天地風雲龍虎鳥蛇天地則狀其方
色雲則狀其飛揚龍虎則狀其猛厲鳥蛇則狀其
靈捷之勢以備大閱樞密院言陣隊旗號若繪八物
以象其形其間亦有無形可繪者遂詔大閱旗
號以象其形其間亦有無形可繪者遂詔大閱旗

元豐五陣法

元豐七年六月十七日降五陣法今請將教習

元祐元年二月殿前馬步軍言準朝旨相度到高翔
上言依舊教閱御陣子事欲於教陣日與所陣法相
兼詔講教陣隔日更互教習先是神考置九軍營陣
為方圓曲直銳凡五變為五陣遂罷教習陣至是後
以舊陣互教

建炎五車隊

建炎元年始須樞密院教閱格法凡經兩閱者每五
十人為一隊隨隊多少分隸五軍謂如五百人每隊

五十人即每軍兩隊之類人多依此每軍各置旗號以類色樣制物號為別謂前軍用緋旗以飛鳥為號後軍皂旗龜為號左軍青旗蛟為號右軍白旗虎為號中軍黃旗以神人為號又別以顏色樣制物號錯招旗分旗舉招旗則五軍以旗相應合而成陣舉分旗則五軍以旗相應分而成隊左右前却或分藏為代或分出為奇並舉旗為號並更鳴小金應鼓為號以備望旗不及預約伏藏之處慢打小金即住急打應鼓即奇兵出陣趨戰急打小金即伏兵出

建炎三年呂頤浩奏曰天下多事聖哲馳騫而不足遂行復引兵渡河駐于淮一戰夫虜舟雖勇而無諸州訓習強弩以俟水一戰夫虜舟雖勇而無陣法若節制之兵一敗必至於顛沛但令主帥倣古陣法常山蛇勢雖茫昧不傳而陣圖別有可攷願早圖之紹興二十六年吳璘領御前諸軍都統判興州璘嘗著書號兵要六畧謂金人有四長我有四短當反我之短以制彼之長至於陣法則有圖而無書焉

隆興車陣圖

隆興元年八月六日進呈陳敏軍中教習車陣圖

乾道三陣

見進研武

乾道四年十月十六日幸拔不灘大閱上親御甲冑指授方畧命三司合教為三陣戈甲耀日旌旗蔽天六師籟呼犒費有加焉淳熙四年十二月幸茅灘大閱殿帥王友直舉旗五陣畢十二年復大閱於龍山晉軍舉青旗變三直陣鼓立日作分六行舉白旗聚為四陣舉緋旗為二陣舉阜址為一陣繼又散為六行舉一鼓變品字作三陣淳熙二年知荆門黃岳才言李靖六花陣法出於武侯嘗因陞對畫圖以進詔司奉詔令州軍見晉民兵以七十五人為一

陣正合李靖兵法遂將本軍義勇兵或分為七陣每軍旗幟各別色號置造兵器朕今冬躬自教習大陣包小陣大營包小營陣落相連曲折相對可以成六花陣法今將本軍民兵自教兩月却令荆南差知兵將官一員閱視從之

唐李光弼與史思明戰北邙使傅山陣僕固懷恩請陣諸原光弼曰有險可以勝可以敗陣于原敗斯臧矣且賊致死于我不如阻險不從軍太潰五代梁謝彥章幼事葛從周授以兵法以千錢置大盤為行陣偏伍之狀示以出入進退之節彥章盡得之唐

郝廷玉善布陣魚朝恩許觀之歎曰吾處兵間久今始識訓練法廷玉曰比臨淮歿無復校旗事比何賞哉北齊許遵善占候芒陰之役遵謂李業興曰賊為水陣我為火陣必敗果如其言

唐高宗負半千兵家有三陣何也半千曰古者星宿孤虛天陣也山川向背地陣也偏伍彌縫人陣也臣謂不然師以義出沛若時雨得天之時為天陣足食約費且耕且戰得地之利為地陣舉三軍士如子弟從父兄得人之和為人陣帝曰善咸平三年何承矩曰兵家有三陣日月風雲天陣也山陵水泉地陣也

兵車士卒人陣也

易師左次註行師之法欲左皆而高故左次書不

愆于四伐五伐六伐乃止齊焉伐謂擊刺孫子夜

戰多火鼓晝戰多旌旗所以變人之耳目也故朝氣

銳晝氣惰暮氣歸故善用兵者避其銳氣擊其惰歸

無斂正正之旗無擊堂堂之陣吳子鼓鞀金鐸以

威耳旌麾旂章以威目禁令形罰以威心六韜以

一擊十莫善於阨以十擊百莫善於險以千擊萬莫善於阻用衆者務易用少者務阨也

則曹朱綬流星白羽肅其戎容行行伍伍前壘揚藥
後貫戰枝連袂逢蒙比肩由基劔躍長虹弓翻沸
月怒氣回藻髮衝眦裂靜如盤石動如飄風出奇入
正滅沒無蹤謀如湧泉勢如轉規兵動有功師進
輒克百樓忽起登雲霄而俯臨萬弩俱發隨雷電
而並震揚兵於九天之上突勝於千里之中拔距
從軍揚塵挑戰征旆凌沙漠戎行起霜霰艾之耿耿

落星馬足駸駸擁飛電終取撥而先鳴豈謂功而
伐殿叱咤則江山搖蕩指揮則林壑飛騰舉鵬力
以揚威耀犀渠而賈勇旃拔山起海之雄驅籥景
騰雷之騎火千旗而四面風動雷萬鼓而一道地
裂勇冠三軍衆無一旅橫倚天之劍揮駐日之戈
吟嘯四顧熊羆兩集上可以決天雲下可以絕地維
翕振虎旅赫張王帥退如山立進若電逝紛紜滯
渭雲合電發機駭逢軼焱騰波流七萃連鑣六
游齊軌羣師壘伍神扶電擊雲徹席卷一旦
流慧掃

玉海卷終

二十六

玉海一百四十三卷終

玉海卷終

玉海

